



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

Articulus IV. De Consecratione, pollutione, & reconciliatione Cœmiterii.

---

[urn:nbn:de:hbz:466:1-73045](#)

tum fuerit altare, consecretur Ecclesia, Ecclesiastum sumere intelligitur pro altari, ac si diceret, consecretur altare; ut nec econtra, execrata Ecclesia, execratum censemur altare; sic Pithing h.t. num. 28. sed hoc videtur intelligendum de *ara mobili*, nam pollutum Ecclesia; etiam censentur polluta omnia ejus altaria fixa, non autem portatilia in ea existentia; & econtra; sic Abbas in c. proposuisti 4. h.t. num. 10. & alii. Sylvester V. altare qu. ult. &c. sed, de execratione, non est idem; & ex hoc patet etiam responsio ad 3. Altare, polluitur, & reconciliatur iisdem modis, quibus violatur, & reconciliatur Ecclesia; sic Miranda in Manuali Praefat. tom. 2. quest. 39. art. 7. ex quo patet ad 4. ad 5. 14. probabile esse, quod possit; sic Tamburinus I. I. Methodi celebrandæ missæ c. 5. §. 1. num. 15. & alii ibid. unde censemt Pithing num. 26. ad legitimam formam consecrationis non esse necessarium, ut in consecratione, altari, in sigillo, seu sepulchro, reliquiae sanctorum apponantur.

3513 Dicit autem signanter, ad legitimam formam, propter c. placuit, 26. dist. 1. de consecrat. ubi dicitur: placuit, ut altaria, qua passim per agros, & per villas, tanquam memoria Martyrum, construuntur, in quibus nullum corpus, aut reliquia Martyrum condite probantur, ab Episcopis, qui locis eisdem praesunt, si fieri potest, evertantur. Si autem hoc, propter tumultus populares, non finitur, plebes tamen admoveantur, ne illa loca frequenterent; ut, si recte sapiunt, nullâ ibi superstitione devicti teneantur. Et omnino nulla memoria Martyrum probabiliter acceptetur, nisi ubi corpus, aut reliquia certa sunt, aut origo alicuius habitationis, vel possessionis, vel passionis fidelissimâ origine traditur. Nam qua per somnia, & per inanes quasi revelationes quorumlibet hominum, ubicunq; constituantur altaria, omnino reprobentur.

3514 P. Suarez cit. contra sententiam, quæ negat, esse de essentia consecrationis, ut in altari, seu lapide consecratio, reliquiae Sanctorum ponantur, ex aliorum mente, opponit, contrarium esse statutum in c. placuit, de quo num. preced. quas aliqui volunt requiri sal-

tem requiri in consecratione altaris fixi; imò Durandus, in Rationali lib. 1. cap. 7. num. 23. addit, requiri reliquias, vel corpus Christi, seu particulam hostie consecratæ. Sed ad hoc meritò respondet Suarez cit. hoc indecens videbitur, & improbatum, ut respondit se feratur Innocentius Papa; & docent Turcicrem. cum aliis in dict. c. Placuit, & Abbas in e. 1. de consecrat. Ecclesiae vel altaris. Unde subiungit: reliquias non esse de essentia consecrationis, ut ex ijs constat: & fortasse nunquam fuisse: nam illud c. Placuit, aliam expositionem habere potest: quam supra tradidimus; & , quamvis demus illud tunc fuisse præceptum, non tamen inde sit, fuisse de substantia consecrationis: præceptum autem jam cessavit: vel quia cessavit ratio, & occasio ejus, quæ fuit ad resistendum haereticis, honorem debitum reliquiis Sanctorum oppugnantiibus: tum etiam, quia in tanta templorum, & altarium multitudine, jam id commode impleri non potest.

#### ARTICULUS IV.

De Consecratione, pollutione, & reconciliatione Cœmiterii.

Per Cœmiterium, intelligitur locus, 3515 authoritate Episcopi designatus ad corpora fideliū sepelienda; hinc eodem modo consecratur, vel benedicitur, quo Ecclesia; unde Ecclesia consecratæ, etiam Cœmiterium ei conjunctum censemur consecratum; quia simul cum Ecclesia eodem ritu consecratur, ut constat ex Pontificali Romano; non autem si non sit ei contiguum, seu conjunctum. Et ideo etiam pollutum, vel execrata Ecclesia, cœmiterium quoque illi conjunctum pollutum, vel execratum censemur; c. Unic. h. t. quia sic sequitur naturam principalis; non tamen è converso violato cœmiterio, etiam Ecclesia violata censemur; quia principale non sequitur naturam accessoriū; si verò non sit Ecclesia conjunctum, sed separatum, violatum Ecclesia non censemur violarum illud, quia tunc non est accessoriū.

Quamvis autem cœmiterium pol- 3516 luitur, & violetur iisdem modis, qui-  
Kkk kk 3. bus

bus Ecclesia c. *Unic.* h. t. in 6. & c. *Consulisti* 7. h. t. & pollutâ Ecclesia, etiam censetur violatum *cœmterium illi conjunctum* (ut tradit Azor cit. q.2.) ac eodem modo reconciliatur, quo Ecclesia; quia si per Episcopum (sicut Ecclesia) solenniter est consecratum, & violetur, reconciliari debet ab Episcopo per aquam ab eo solenniter benedictam c. *Consulisti*. h. t. si tamen ab Episcopo non est solenniter consecratum, sed tantum benedictum, vel ejus auctoritate deputatum ad sepulturam fidelium, à Parocho, Rectori illius Ecclesie, aquâ ab eodem Parocho benedictâ, reconciliari potest c. *fin.* h. t. Layman l.5. tr.5. c.5. n.12.

3517

Si cœmterium polluum sit non perse, sed ob pollutam Ecclesiam cui conjunctum est, reconciliatâ Ecclesiâ, co ipso etiam reconciliatum est cœmterium; sic Barbosa l.2. Juris Ecclesiastici cap. 9. num. ii. quando autem exercatur Ecclesia, vel cœmterium, destrutis; vel combastiis parietibus, non propterea amittitur benedictio, sed tantum consecratio: Benedictio enim solo inhärere censetur, quod semper idem manet; sic Layman cit. c.5. n.15.

3518

Præter hæc not. cum quandoque contingat, in cœmteriis fieri quosdam actus, quibus pollueretur Ecclesia; si in ea facti essent, eujusmodi sunt illi, quos retulimus supra; consequenter fieride-

beat reconciliatio, posse in contingencia facti quæstionem moveri, à quo videntur reconciliari? ex. gr. in cœmterio, coniuncto Ecclesiæ, fusus est injuriosè sanguis humanus, & copiosus, ex iusta percussione; quærebatur, an Rector ejus Ecclesie per aquam solenniter benedictam ab Episcopo, vel certe, etiam non benedictam ab Episcopo, sed ab ipso Ecclesiæ Rectori, vel alio Sacerdote posset reconciliari?

Pro resolutione distinguendum est inter cœmterium, accessoriè consecratum, vel tantum benedictum, nimis ratione Ecclesie consecratæ, vel benedictæ; vel scorsim. 2. inter pollutum ratione Ecclesie pollutæ, seu violatæ; vel pollutum, & violatum in se, ac non ratione principalis, cui adjunctum est: quo posito re. si cœmterium sit violatum, seu pollutum ratione pollutæ vel violatæ Ecclesie consecrata, cui est conjunctum, reconciliari non posse nisi per Episcopum, ex num. 348; si autem ratione pollutæ vel violatæ Ecclesie tantum benedictæ sine ulla consecratione, reconciliari posse ab ipso Rectori Ecclesiæ aquâ benedictâ ab ipso Rectori Ecclesiæ, ex dict. superius; id, quod etiam procedit de cœmterio polluto in se, solum benedicto, vel deputato ad sepulturam Fideliū; reliqua ex dictis deduci possunt.



## QUÆSTIO XLI.

### IN TIT. XLI. DE CELEBRATIONE MISSARUM, SACRAMENTO EUCHARISTIÆ, ET DIVINIS OFFICIIS.

3519

**H**ic titulus tria puncta continet; primum, de celebratione missarum; alterum, de Sacramento Eucharistia: postremum, de divinis officiis; plerique tamen sunt, quæ pertinent solum ad forum internum, & tractari solent à Theologis Moralibus, in tract. ad præcepta primæ Tabule: de Sacramento autem Eucharistiae agunt Theologi Scholastici

specialiter: & ideo in hoc titulo (quam continentे pauca spectantia ad forum externum) parum immorantur Canonistar; trademus tamen ea, quæ in hoc titulo de singulis tanguntur.

#### ARTICULUS I.

*De Celebratione Missarum.*

**I**n c. quidam 2. h. t. agitur de Missis votivis, & dicitur, quosdam Leicos habere